

四庫全書

集部

欽定四庫全書

集部

五百家注昌黎文集卷十九

詳校官通政使臣夢吉

檢討臣何思鈞覆勘

總校官檢討臣何思鈞

校對官主事臣陳墉

謄錄監生臣左詢

欽定四庫全書

五百家注昌黎文集卷九

宋 魏仲舉 編

律詩

題楚昭王廟

孫曰昭王名軫楚平王子以魯昭公二十七年即位哀公六年卒在位二十七年樊曰廟在襄州宜城縣公縣驛記云驛東北有井傳是昭王井井東北數十步有楚王廟舊廟屋極宏盛今惟草屋一區每歲十月民相率祭其前與此詩合

丘園滿目衣冠盡

園一作墳

城闕連雲草樹荒猶有國人懷

舊德一間茅屋祭昭王

宿龍宮灘

樊曰灘不詳所在詩意則公自陽山徙掾江陵與張功曹竦命于柳而作

浩浩復湯湯

音商

灘聲抑更揚

補注魯直云退之裁聽水句尤見工所謂浩浩湯湯

抑更揚者非安客裏夜卧飽聞此聲安能周旋妙處如此耶

奔流疑激電驚浪似浮

霜夢覺燈生暈

孫曰暈日月旁氣燈暈亦然○暈于郡切

宵殘雨送涼如何

連曉語只是說家鄉

蔡本作一半是思鄉

义魚招張功曹

集注周官以時籍魚鄭玄云以叔刺泥中取之張功曹署也公與署俱自御史出為南方縣公連州陽山署郴州臨武以順宗即位故俱徙掾江陵公法曹署功曹公于是出嶺至
柳與署俱竢新命于柳而作其後公在江陵祭李柳州有云投义魚之短韻愧韜瑕而舉秀竢新命于衡陽費薪芻于館候此其證也

义魚春岸闊此興在中宵大炬然如畫長船縛似橋深窺沙

可數

所短切

靜榜水無搖

榜進船也本音謗又北孟切

刃下那能脫

刃一作手波

間或自跳中鱗憐錦碎

憐一作疑

當目訝珠銷迷火逃翻近驚人

去暫遙

暫一作不

競多心轉細得雋語時囂

孫曰左傳得雋曰克雋謂豪俊囂喧也雋

與俊同。囂虛驕切。

潭罄知存寡舩平覺獲饒

孫曰舩船邊饒多也。舩音賢。

交頭疑

湊餌

湊奔湊也。

駢首類同條

孫曰同條同罪也。

濡沫情雖密

樊曰莊子泉涸魚相與處

于陸相响以濕相濡以沫。

登門志已遼

孫曰辛氏三秦記曰河津一名龍門水險不通魚鼈不能上上則為

龍故云龍門登門謂登此龍門也韓曰後漢李膺傳登龍門注云江海大魚集龍門下數千不得上上則為龍志字一本

作事盈車欺故事

孫曰列子詹何引盈車之魚于百仞之淵孔叢子衛人釣魚于河得魚焉其大盈車飼

犬驗今朝

孫曰鹽鐵論曰彭蠡之濱以魚飼犬樊曰杜子美黃魚詩脂膏魚飼犬。飼音伺。

血浪凝

猶沸腥風遠更飄蓋江烟冪冪

冪冪深貌。冪莫狄切。

迴棹影寥寥

迴一作拂

懶去愁無食

○祝曰懶水狗也。懶他達切。

龍移懼見燒如棠名

既誤

韓曰左傳隱公五年如棠觀魚書。公矢魚于棠非禮也。棠魯地名。

釣渭日徒消

樊曰

史記呂尚年老以魚釣奸周西伯西伯出獵果遇于渭之陽載與歸立為師。

文客驚先賦篙

工喜盡

篙工舟師也。祝曰選篙工檝師。○篙音高。

膾成思我友觀樂憶吾

僚

孫曰吾僚即僚。謂張功曹。

自可捐憂累何須強問鴉

孫曰賈誼鵬賦曰問于子

鵬余去何之楚人命鴉曰鵬不祥鳥也。○鴉音臬。

李員外寄紙筆

韓曰公賤陽山過郴州謁李使君明年以黃相遺李李寄以紙筆公作此詩以謝其後祭

柳州李使君文云包黃柑而敢辭獲紙筆之
雙質謂此也樊曰柳子厚在永州亦有楊尚

書寄柳筆之作

柳豈出筆耶

題是臨池後

韓曰張芝伯英善草書凡家之衣帛必先
書而染練之臨池學書池水盡黑寸紙不

遺韋仲將
謂之草聖

分從起草餘

孫曰漢制尚書郎掌
天子制詔起草禁中

兔尖針莫

並

謂兔尖
筆

蘭淨雪難如

韓曰蘭淨蘭紙也義之製蘭亭乘
興而書用蠶繭紙補注建中初曰

本使者興能獻方物興能善書其
紙似繭而澤人莫識○繭吉典切

莫怪慙慙謝虞卿正

著書

樊曰虞卿著虞氏春秋太史公曰虞卿非窮愁
亦不能著書以自見于世此公所以自比也

次同冠峽

樊曰公有同冠峽詩與此詩凡二章皆赴陽山時作故一云因囚念輕矯一云無心思嶺

北也次同冠峽他本作次亞冠峽

今日是何朝天晴物色饒饒多落英千尺墮孫曰落花遊

絲百丈飄孫曰遊絲泄乳交巖脈孫曰泄乳泉水懸流揭浪標音揭

羯又祭無心思嶺北猿鳥莫相撩羯二音

張署詩

補注唐本有此詩按公集贈張十一工曹署詩頗多而署詩絕不可見可見者惟此篇故

錄之

九疑峯畔二江前戀闕思歸日抵年白簡趨朝曾並
命蒼梧左宦亦聯翩鮫人遠泛漁舟火鵬鳥閒飛霧
裏天渙汗幾時流率土扁舟直下共歸田

答張十一功曹

張詩見上

山淨江空水見沙哀猿啼處兩三家篔簹競長纖纖筍

孫曰篔簹竹名異物志曰篔簹生水邊長數丈圍一尺五六寸一節相去六七寸或相去一尺廬陵界中有之祝曰選其竹則篔簹森筴韓曰郭璞江賦躑躅初開艷桃枝篔簹實繁有叢○篔音音當

艷花孫曰羊躑躅花名未報恩波知死所莫令炎瘴送生涯吟

君詩罷看雙鬢斗覺霜毛一半加補注任子淵云斗覺

使退之詩有此句東坡詩黃昏斗覺羅裳薄少
游詩斗覺西南壯後山詩斗覺文字生清新

郴州祈雨

祝曰桂陽郡即今之郴州蓋古之郴縣史記乃使徙義帝長沙郴縣是也公時在州作此

○ 柳音琛

乞雨女郎魂孫曰女郎神明魚羞潔且繁孫曰魚炙也詩魚炙芬芬○魚音庖廟

開鼯鼠叫孫曰爾雅鼯鼠狀如蝙蝠飛而且乳亦名飛生神降越巫言孫曰史記漢武

帝令越巫立越祠祝越巫者越國之巫也韓曰越巫立祠天神上帝百鬼以難卜事亦見史記旱氣期

銷蕩陰官想駿奔

孫曰陰官冥官駿疾也書駿奔走執豆籩

行看五馬入

洪

古樂府云五馬立踟躕禮天子六馬左右駢三公九卿駟馬右駢漢制九卿則中二千石亦右駢太守有功德者亦秩中二千石王戎乃有右駢故以五馬為太守美稱東朔外傳郡守駟馬駕車一馬行春衛宏輿服志諸侯駟馬附以一馬南史柳景元兄弟五人並為太守時人語曰柳氏門庭五馬逶迤謝靈運為永嘉太守常以五馬自隨立五馬坊

蕭颯已隨軒
韓曰後漢鄭巨君為淮陰太守政不煩苛

天旱行春
隨車致雨

湘中酬張十一功曹

集注湘水名湘中即謂郴州郴在江南西道于古為越地公祭張十一文云于出嶺中君

瑛州下州下即謂柳也公時自連州來張
瑛公于柳與之共離柳也故詩意及焉

休垂絕徼千行淚

祝曰徼謂邊徼前漢南至牂牁為徼
注謂以木石水為界○徼音呼○絕

字一本
作越

共泛清湘一葉舟今日嶺猿兼越鳥可憐同聽

不知愁

柳口又贈二首

柳口見上注樊曰張芸史嘗謫于柳及離那
有詩略云歸舟已屬張公子別酒空煩李使
君正引用此意張公子見公此作
李使君則見公祭郴州李使君文

山作劒攢江瀉鏡

攢聚也
攢音噴

扁舟斗轉疾于飛

孫曰斗
轉如星

斗之轉

迴頭笑向張公子

張署

終日思歸此日歸

雪颭霜翻看不分

颭職琰切
雪一作雲

雷驚電激語難聞
公崖宛

轉到深處何限青天無片雲

青一作清

題木居士二首

樊曰張芸叟木居士詩序云耒陽縣北汭流
二三十里鼇口寺即退之所題木居士在焉
元豐初縣令禱旱無雨折而薪之今所存
者乃寺僧刻而更為之予過而感焉云云

火透波穿不計春
根如頭面幹如身
偶然題作木居士

便有無窮求福人

為神詎比溝中斷

孫曰為神謂祀以為神莊子百年之木破為犧尊青黃而文之其斷在溝

中比犧尊于溝中之斷則美惡有間矣其于失性一也

遇賞還同鑿下餘

孫曰賞識也後

漢蔡邕在吳吳人有燒桐以鑿者邕聞火烈之聲知其良木因請而裁為琴果有美音而其尾猶焦故人名為焦尾

琴云朽蠹不勝刀鋸力

韓曰論語朽木不可雕也

匠人雖巧欲何如

晚泊江口

自陽山還過湘中作下詩同

郡城朝解纜

纜維舟索樊曰解纜即前柳口詩所謂舟斗轉疾于飛者也○纜音濫

江岸

暮依村二女竹上淚

韓曰張華博物志舜死二妃淚下染竹竹即斑妃死為湘水神故曰

湘妃孤臣水底魂樊曰史記屈原仕楚懷王為上官大夫所讒王終不悟于是懷石自投汨

羅以雙雙歸蟄燕蟄藏也一一叫羣猿叫呼也迴首那能語

能一作聞空看別袖翻

湘中

樊曰公此詩謂屈原也

猿愁魚踊水翻波作踊自古流傳是汨羅樊曰賈誼弔屈原賦云側

聞屈原今自湛汨羅顏師古注汨水名在長沙羅縣故曰汨羅孫曰羅縣名屬長沙郡北帶汨水汨汨西北去

縣三十里有屈潭即屈原自沈處祝曰說文長沙汨羅淵屈原所沈之水○汨音覓蘋藻滿盤無

處奠

盤一作船

空聞漁父叩舷歌

舷船邊也韓曰屈原有漁父篇其終曰漁父莞爾而

笑鼓枻而去歌曰云云○舷音賢

別盈上人

韓曰盈即誠盈也居衡山中院見柳集公自陽山迴至衡湘與盈別去祝融乃衡山五峯之一也

山僧愛山出無期俗士牽俗來何時祝融峯下一迴首
即是此生長別離

喜雪獻裴尚書

孫曰尚書名均字君齊貞元十九年五月自荆南行軍司馬為本鎮節度使以功加吏部

尚書公時為其府法曹參軍作此詩獻之

宿雲寒不卷春雪墮如篔

孫曰篔篹下物竹器○篔篹所宜切

騁巧先投隙

潛光亂入池

亂一作半

喜深將策試

策杖也

驚密仰檐窺自下

何曾污

孫曰揚子自下者人高之

增高未見危

孫曰子曰高而不危

比心明可

燭拂面愛還吹妬舞時飄袖

韓曰張衡舞賦裾似飛燕袖如迴雪

欺梅併

壓枝

韓曰陳子良春雪詩欲妬梅將柳故落早春中

地空迷界限砌滿接高卑

浩蕩乾坤合霏微物象移為祥於大熟

為一作驗

匝澤荷平

施作一已分年華晚猶憐曙色隨氣嚴當酒暖一作灑

急聽窻知補注邵氏聞見錄云荆公嘗以力去陳言誇未俗可憐無補費精神薄退之然其詠雪則

云借問火城將策試何如雲屋聽窻知皆用退之句也去古人陳言以為非用古人陳言乃為是耶照耀

臨初日玲瓏滴晚漸漸流水也聚庭看嶽聳孫曰嶽山嶽聳高也

掃路見雲披陣勢魚麗遠孫曰桓五年左氏鄭人為魚麗之陳魚麗者如魚貫之狀

麗陣韓曰兵法有魚麗陣書文鳥篆奇韓曰書序疏蒼頡造書觀于鳥迹因而遂滋則謂之

字孫曰書有八體五曰蟲書為蟲鳥之形施于幡信謂之鳥篆縱歡羅艷孫曰艷列

賀擁熊螭孫曰熊螭將士履奕行偏冷孫曰史記東郭先生久待公車貧寒衣履不完

行雪中履有上無下足盡踐地

門扃卧更羸

孫曰錄異傳時大雪積地大餘洛陽令身出案行見

人家皆除雪出有乞食者至袁安門無有行路謂安已死令人除雪入戶見安僵卧問何以不出安曰大雪人

皆餓不宜干人令以為賢舉為孝

悲嘶聞病馬

鳥一作

浪走信嬌兒竈靜

愁烟絕絲繁念鬢衰擬鹽吟舊句

樊曰世說謝太傅對雪內集公曰白雪紛

紛何所似兄子胡兒曰撒鹽空中差可擬兄女曰未若柳絮因風起

授簡幕前規

樊曰謝靈運雪

賦曰梁孝王遊于兔園密雪下授簡于司馬大夫曰抽子秘思騁子妍詞為我賦之捧贈同燕石

孫曰闡子曰宋之愚人得燕石于梧臺之東歸而藏之以為寶有客聞而觀之掩口而笑曰此燕石也與瓦礫

不殊公言此者以自喻其詩

多慚失所宜

春雪

樊曰沈存中云杜子美詩紅稻啄餘鸚鵡粒
碧梧棲老鳳凰枝語相反而意新退之雪詩

舞鏡鸞窺沼行天
馬渡橋蓋儼此體

觀雪乘清旦

一作看

無人坐獨謠

孫曰爾雅徒歌曰謠

拂花輕尚起

落地暖初銷已訝凌歌扇

韓曰晉中書令王珉好捉白團扇其侍人謝芳歌之因以

為名班婕妤詠扇云所製齊紈素皎潔如霜雪云云○又見陳子良詠雪云光映妝樓月花承歌扇風凌一作

陵還來伴舞腰灑篁留密節
孫曰叢竹曰篁密一作半著柳送長條

著直入鏡鸞窺沼行天馬渡橋
孫曰鸞窺沼則如入鏡馬度橋則如行天徧

堪憐可掬滿樹戲成搖江浪迎濤日風毛縱獵朝孫曰江浪

風毛皆以喻雪弄閒時細轉爭急忽驚飄城險疑懸布孫曰襄十年左

氏偁陽人縣布秦董父登之雪在城上其勢如此砧寒未擣綃綃生絲音消莫愁

陰景促夜色自相饒夜一作月

聞梨花發贈劉師命

韓曰公集有劉生詩云陽山窮邑惟猿猴手持釣竿遠相投師命蓋陽山時客也樊曰此

聞梨花發贈師命云欲將君去醉如何已而梨花下贈師命云今日相逢瘴海頭則與劉

醉于花下矣皆陽山詩也

桃蹊悵悵不能過

孫曰史記桃李不言下自成蹊蹊一作溪悵一作惆

悵一作惆紅艷紛紛

落地多聞道郭西千樹雪欲將君去醉如何

春雪間早梅

間一作映

梅將雪共春彩艷不相因
逐吹能爭密排枝巧妬新
誰令香滿座獨使淨無塵
芳意饒呈瑞寒光助照人
玲瓏開已徧點綴坐來頻
那是俱疑似須知兩逼真
熒煌初

亂眼浩蕩忽迷神未許瓊華比

孫曰詩尚之以瓊華乎而瓊者美玉其色光華

故曰將從玉樹親

孫曰揚雄甘泉賦翠玉樹之青蔥兮璧馬犀之聯目漢武帝故事曰上起

神屋前庭植玉樹珊瑚為枝碧玉為葉

先期迎獻歲

韓曰楚詞獻歲發春

更伴占茲

晨一作願得長輝映輕微敢自珍

梨花下贈劉師命

注見前聞梨花發題下

洛陽城外清明節百花寥落梨花發今日相逢瘴海頭

共驚爛漫開正月

和歸工部送僧約

集注歸登字冲之順宗為太子時侍讀反即位超拜給事中遷工部侍郎僧約荊州人劉

夢得亦有贈別約師詩略云
荊州人市井生而雲鶴性

早知皆是自拘囚不學因循到白頭
汝既出家還擾擾

何人更得死前休

得一作向

入關詠馬

韓曰公自江陵召拜
國子博士入藍關作

歲老豈能充上馬

四孫曰史記孫武謂田忌曰以君
下駟與彼上駟上駟良馬也

力微

當自慎前程不知何故翻驤首

驤低昂也
驤思良切

牽過關門

忘一鳴

忘字舊本
作妄是

早春雪中聞鶯

洪曰北地春晚方聞鶯
此詩蓋南遷時作也

朝鶯雪裏新雪樹眼前春帶澁先迎氣侵寒已報人共
務初聽早誰貴後聞頻暫囀那成曲孤鳴豈及辰風霜
徒自保桃李詎相親寄謝幽棲友辛勤不為身

木芙蓉

孫曰水生者為水芙蓉木生者為木芙蓉
爾雅曰菡萏芙蓉也此所謂水芙蓉也

新開寒露叢遠比水間紅孫曰水間紅即
菡萏間一作邊艷色寧相

妬嘉名偶自同採江官渡晚寒木古祠空

補注古詩云涉江採芙蓉

故名採江楚詞云寒芙蓉兮木末故云寒木洪曰或作採江秋節晚寒木古祠空又作秋江官渡晚寒木古祠空皆後人妄改耳

寒作寒亦非是

須勸勤來看

須勸一作願得

無令便逐風

題張十一旅舍三詠

樊曰公自陽山與張十一從掾江陵道潭州而作以其詠并云賈誼宅中今始見知之

榴花

五月榴花照眼明枝間時見子初成可憐此地無車馬

顛倒青苔落絳英

絳赤色英花也

井

賈誼宅中今始見

孫曰括地志云賈誼宅在長沙縣南三十步湘水記云賈誼宅中有一井

誼所穿之極小而深上斂下大其狀如壺樊曰水經注云長沙縣西陶侃廟傳是賈誼宅地中有一井是誼所

穿杜詩長懷賈傳井依然

葛洪山下昔曾窺

孫曰葛洪字稚川其井在今柳州寒泉

百尺空看影正是行人喝死時

祝曰前漢夏大旱民多喝死注云中暑而死○

喝音謁

蒲萄

新莖未徧半猶枯高架支離到後扶到或作倒若欲滿盤堆

馬乳韓曰蜀本圖經本草蒲萄注子有似馬乳者若字一本作君莫辭添竹引龍鬚

峽石西泉

孫曰此詩舊本以次張十一旅舍三詠後蓋永貞元年道衡潭之荆而行

居然鱗介不能容韓曰周禮川澤宜鱗物墳衍宜介物石眼環環水一鍾

聞說旱時求得雨祇疑科斗是蛟龍孫曰爾雅科斗蝦蟇子

梁國惠康公主挽歌二首

孫曰公主憲宗長女始封普寧徙封永昌元和二年下嫁于季友及卒追封梁國公主謹

曰惠康今作涼國誤

定謚芳聲遠

謚即惠康

移封大國新

封即梁國

巽宮尊長女

孫曰易巽

為長女

台室屬良人

孫曰季友之父頓為相故云台室良人季友也

河漢重泉夜

孫曰史記秦始皇葬以水銀為百川江河大海皆墓中為之重泉九泉也

梧桐半樹春

孫曰梧桐

半生半死半樹春者以言公主死獨季友存爾

龍轎非厭翟

祝曰轎喪車名前漢此似轎車孫曰

周禮王后五輅重翟錫面朱總厭翟翟勒面績總厭翟平時所乘車也○轎音而厭于陟切翟丁歷切

還輶

禁城塵

輶轉也輶之輦切

秦地吹簫女

樊曰列仙傳秦穆公女字弄玉時有簫史善吹簫弄玉好之公以妻焉逆教弄玉作

鳳鳴居數年鳳凰來止其屋一旦夫妻皆隨鳳凰飛去

湘波鼓瑟妃

樊曰屈原遠遊云二女御

九韶歌使湘靈鼓瑟兮令海若舞馮夷二女舜二妃堯之女也佩蘭初應夢韓曰左傳鄭文公有

妾曰燕姑夢天使興已蘭曰以是為而子既而文公見之與之蘭而御之生穆公名曰蘭奔月競淪

輝孫曰淮南子羿請不死之藥于西王母羿妻常娥竊而奔月是為蟾蜍競字合作竟夫族迎魂

去宮官會葬歸從今沁園草孫曰沁水公主漢光武皇帝女竇憲女弟為皇后憲

恃宮掖勢以賤直奪公主園沁園者沁水公主園也○沁七鳩切無復更芳菲

和崔舍人詠月二十韻

崔羣字敦詩元和間為中書舍人樊曰韋絢劉公嘉話載夢得語云韓十八愈謂李二十六程曰崔大羣往還二十餘年不曾說著文章然公集有與崔羣書贈崔大補闕詩至是

又有和篇未嘗不說及文章也嘉話非誤耶
韓曰公時以職方員外郎下遷國子博士故

其落句云獨有虞庠客無由拾落
黃意謂職在虞庠去堯階遠矣

三秋端正月

孫曰端正月謂中秋月

今夜出東溟對日猶分勢

孫曰

謂月初出時

騰天漸吐靈未高蒸遠氣半上霽孤形赫奕當

躔次

孫曰躔次日月所行之次

虛徐度杳冥長河晴散霧

孫曰長河天漢列

宿曙分螢

祝曰前漢郎官上應列宿○宿音秀

浩蕩英華溢蕭疎物象冷

池邊臨倒照簷際送橫經花樹參差見臯禽斷續聆

孫曰詩鶴鳴于臯臯澤也臯禽謂鶴也

牖光窺寂寞砧影伴娉婷

祝曰娉婷

和色也杜詩赤節引娉婷
○娉普丁切娉徒寧切

幽坐看侵戶閒吟愛滿庭輝

斜通壁練彩碎射沙星清潔雲間路空涼水上亭淨堪

分顧免

韓曰楚詞厥利維河而顧免在腹顧免月中免也

細得數飄萍山翠相

凝綠林煙共累青過隅驚柱側當午覺輪停孫曰午夜半屬

思摘霞錦

孫曰摘舒也屬之欲切

追歡罄縹緋

孫曰縹青白色縹普沼切

郡

樓何處望

孫曰謝朓有宣城郡樓中望月詩郡樓即謂宣城郡樓也

隴笛此時聽右

掖連台座

韓曰應邵漢官儀曰左右曹受尚書事前世文士以中書在右因謂中書為右曹又稱西

掖重門限禁扃

孫曰易重門擊柝以待暴客

風臺觀滉漾

滉一作沈音見

冰

砌步青熒

祝曰選眩耀青
熒○熒音螢

獨有虞庠客

韓曰禮記有虞
氏養國老于上

庠養庶老于下庠孫曰庠者虞時學
名公為國子博士故云虞庠客也

無由拾落莫

孫曰
白虎

通曰日磨得其分則莫莢生于階間莫莢者樹名月一
日一莢生十五日畢十六日一莢去三十日畢亦見帝

紀王世

詠雪贈張籍

樊曰此詩或云自松篁遭挫抑以下等語專
以譏時相故終以其意謂張籍曰惟子能諳
爾諸人得語哉又曰莫煩相屬和
傳示及提孩其有所譏也審矣

祇見縱橫落寧知遠近來飄飄還自弄歷亂竟誰催座

暖銷那怪池清失可猜坳中初盖底孫曰莊子覆坳水于坳堂之上坳地

宥下也。坳于交切。坳處遂成堆孫曰坳蠟冢補注劉貢父云歐陽永叔與江鄰幾論此詩以隨

車翻編帶躍馬散銀盃為不工而以坳中初盖底坳處遂成堆為勝且謂未知得韓意否。○坳徒結切。慢

有先居後慢恃也輕多去却迴度前鋪瓦隴瓦隴瓦溝奔發積

牆隈隈牆曲也奔發一作發本穿細時雙透乘危忽半摧舞深逢坎

井坎陷也集早值層臺層級也砧練終宜擣塔紈未暇裁紈紈

素城寒粧睥睨孫曰睥睨城上女牆。睥匹詣切。睨妍計切。二字合從土作埤垝。樹凍

裹莓苔片片勻如翦紛紛碎若按按以手摩物。乃禾切。又奴禾切。定

非焗鵲鷺焗湯中淪肉真是屑瓊瑰祝曰瓊瑰石次玉詩瓊瑰玉佩孫曰

鵲鷺瓊瑰皆取其白色補注王氏塵史云說文以瓊為赤玉比見人詠白物多用之韓愈雪詩真是屑瓊瑰又

今朝踏作瓊瑰跡別有所稽耶豈用之不審也○瑰姑回切一作瓌緯繡觀朝萼孫曰楚詞忽緯

繡其難遷注緯繡乖戾也萼花附○緯音輝繡音畫冥茫矚晚埃矚視也音燭當窻恒

凜凜窻一作爐出戶即皚皚祝曰皚皚霜雪白貌選涉積雪之皚皚○皚五來切壓野

榮芝菌芝菌糞土上英○菌傾都委貨財委弃也娥嬉華

蕩漾孫曰娥嬉遊也淮南子羿請不死之藥于西王母其妻姮娥竊之奔月官華月色胥怒

浪崔嵬孫曰胥伍子胥吳越春秋曰吳王賜子胥劍子胥遂伏劍而死王乃取其尸盛以鸛夷投之江

子胥因隨波揚流成濤激岸隨潮來往崔嵬浪高貌磧迥疑浮地祝曰磧水渚之有石前漢下磧

歷之坻注磧歷沙石之貌也。磧七迹切。雲平想輾雷隨車翻縞帶孫曰襄二十九

年左氏吳公子札聘于鄭見子產如舊相識與之縞帶縞白色。縞音杲。逐馬散銀盃萬屋

漫汗合孫曰漫汗混合貌補注選布覆漫汗言廣大也。漫音瞞汗音寒。千株照曜開

松篁遭挫折作抑一糞壤獲饒培隔絕門庭遽其據切擠排

陞級纜祝曰史記擠排莊助買臣孫曰纜僅也言僅有陞級存爾。豈堪裨岳鎮孫曰岳五

岳鎮大山也周禮其山鎮曰云云是也裨並也。強欲效鹽梅隱匿瑕疵盡孫曰左氏

瑾瑜匿瑕包羅委瑣該委瑣細也誤雞宵呃喔孫曰呃喔雞聲雞誤以為明故呃喔

也祝曰選良遊呢
○呢音厄呢音渥

驚雀暗徘徊浩浩過三暮悠悠市

九孩孫曰孩極也九州之極處曰孩祝曰風俗通十兆曰經十經曰孩國語天子之田九孩以食兆民○

該孩音鯨鯢陸死骨玉石火炎灰孫曰書火炎昆岡玉石俱焚陸死骨火炎灰皆

以喻雪之厚慮填溟壑高愁擻斗魁擻刺也指也至也韓曰揚子雲甘泉

賦擻北極之嶠嶠孫曰北斗第一至四為魁第五第七為標○擻音致日輪埋欲側坤軸

壓將頽孫曰博物志地有三千六百軸岸類長蛇攬岸類一作堰似攬一作擾○擾馴也

陵猶巨象颺音關也水官夸傑黠孫曰水官屬木氣怯胚

胎孫曰木氣春氣胚胎初兆貌說文孕婦至一月日胚胎○胚鋪孟切胎他來切著地無由卷

連天不易推

他切

龍魚冷蟄苦虎豹餓號哀巧借奢豪

便專繩困約災威貪陵布被

陵一作凌

光肯離金壘

孫曰詩我姑酌

彼金壘壘酒器以金為之有雲雷之象因名壘離一作雜

賞玩捐他事歌謠放我才

狂教詩砒砒

砒砒豪放貌○砒勒未切砒五忽切

興與酒陪鰓

祝曰選潘岳曰藪藻

翰之陪鰓注奮怒貌○鰓來切或作毳鰓烏羽張貌

惟子能諳耳諸人得語哉

助留風作黨勸坐火為媒雕刻文刀利搜求智網恢莫

煩相屬和傳示及提孩

酬王二十舍人雪中見寄

樊曰王二十舍人王涯也公赴江陵途中寄
王二十補闕即其人涯公之同年友至是為
中書舍人以詩來寄或云王仲舒非也仲舒
召為中書舍人時公正在棗州未幾即觀察
江西公尚在棗為作新修滕
王閣記則此非仲舒明矣

三日柴門擁不開
堦庭平滿白皚皚
今朝蹋作瓊瑤跡

孫曰詩投我以木桃報之以瓊瑤瓊瑤美玉也
為有詩從鳳沼來
鳳沼鳳凰池韓曰卞伯玉

中書郎詩云躍鱗龍鳳池揮翰紫宸裏又荀勗自中書
遷尚書令人賀之曰奪我鳳凰池何賀之有王時為中
書故云補注從字一本作仙非是若溪漁隱曰
改從作仙則失詩題見寄之意沼一作侶亦非

送侯喜

韓曰公長慶元年有雨中寄張博士籍侯主簿喜之什此詩豈同時作歟喜時為國子主

簿公為祭酒故云長官也

已作龍鍾後時者

韓曰廣韻龍鍾竹名世言龍鍾蓋取此謂年老如竹之枝葉搖曳有不能

自恃也懶于街裏蹋塵埃如今便別長官去直到新年衙

曰來

孫曰衙謂請謁上官

學諸進士作精衛銜石填海

孫曰山海經炎帝之女名曰女娃游于東海溺而不反化為鳥名曰精衛銜西山木石以填東海樊曰任昉述異記炎帝女溺死東海化為精衛自呼其名每銜西山木石填東海

一名誓鳥一名寬禽一
名志鳥一名帝女雀

烏有償冤者終年抱寸誠

孫曰寸誠
微誠也

口銜山石細心望

海波平渺渺功難見

大渺渺海
大貌

區區命已輕人皆譏造次

孫曰語曰造次必于是注云急
遽貌補注造次猶言不量力也

我獨賞專精豈計休無

曰

休止也

惟應盡此生何慚刺客傳

孫曰史記有刺客傳
記曹沫荆軻聶政等

不著報讎名

著執
畧切

酬振武胡十二丈大夫

樊曰胡十二胡証也傳云河東人元和九年
党項屢擾邊証以儒而勇由諫議大夫選拜

振武軍節度使道河中時趙宗儒為帥証以
州民入謁因詰錄亦云宗儒鎮河中証建節
赴振武過河中持制稱百姓獻詩云詩書入
京國旌節過鄉關州里榮之此公詩所以有

煩縣今敬鄉人之句
一本題中無文字

傾朝共羨寵光頻半歲遷騰作虎臣

孫曰詩矯矯虎臣言如虎之猛毅

弩矢前驅煩縣令

孫曰前漢司馬相如使西南夷至蜀太守以下郊迎縣令負弩矢先驅蜀

人以為寵一本作戎旅暫停辭社樹

里門先下敬鄉人

韓曰萬石君徙居陵里內史慶醉歸

入外門不下車萬石君責曰內史貴人入閭里里中長老皆走匿而內史坐車自如固當迺謝罷慶慶及諸中子弟入里
門趨至家橫飛玉盞家山曉飛舉也遠蹀金珂塞草春孫曰

蹀蹀行貌謂行春也祝曰楚詞衆
蹀蹀而日進○珂若何切蹀音牒
自笑平生誇膽氣不

離文字鬢毛新

孫曰此公自謂也

和庫部盧四兄曹長元日朝迴

盧四名汀字雲夫公時為考功郎中作洪曰
國史譜云兩省相呼為閣老尚書丞即相呼
為曹長郎中員外御史遺補相呼為院長上
可兼下下不可兼上惟御史相呼為端公然
退之呼盧庫部為曹長張功
曹為院長則上下亦通稱也

天仗宵嚴建羽旄

孫曰仗器也天子儀衛宵嚴
夙設也羽旄以鳥羽為旌旗也周禮

全羽為旄析
羽為旌是也

春雲送色曉雞號

謂黎

金鑪香動螭頭暗

孫曰唐會要曰漢柏梁殿災越巫言海中有魚虬尾似
鴟激浪則降雨遂作像于屋以厭火災亦作螭字言香

烟之盛至螭頭昏暗也韓曰唐制起居郎舍人分侍左
右夾香案立直第二螭首和墨濡筆即均處時號螭頭

見百官志玉佩聲來雉尾高孫曰雉尾扇名天子出則御者
持之引于庭上殷高宗有雉尾

之祥後章服多用翟羽故有雉尾漢乘輿服之高舉也
樊曰唐制人君舉動必以扇雉尾障扇四小團雉尾扇

四方雉尾扇十二見儀衛志戎服上趨承北極孫曰北極帝庭儒冠列侍映

東曹韓曰謂文武兩班也太平時節身難遇郎署何須歎二毛孫曰

漢武故事曰武帝輦過郎署見顏翹危眉皓髮曰叟何
時為郎何其老答曰臣文帝時為郎文帝好文而臣好

武至景帝好美而臣貌醜陛下即位好少而臣老是以
三世不過故老于郎署上感其言以為會稽都尉左氏

不擒二毛二毛黑白相半樊曰潘安仁秋興賦余春秋三十有二始見二毛以太尉掾兼虎賁中郎將寓直于散騎之省

寒食直歸過雨

唐本箋云元和十年公時以考工郎中知制誥歸作此

寒食時看度

孫曰荆楚歲時記去冬至一百五日即有疾風甚雨謂之寒食

春遊事已

違風光連日直陰雨半朝歸不見紅毬上

孫曰劉向別錄曰蹋鞠黃

帝所造本兵勢也或云起于戰國鞠與毬同紅毬者以紅帛為之

那論綵索飛

孫曰古今藝術

圖曰北方山戎寒食日用鞦韆為戲以習輕矯者綵索即謂此鞦韆之戲也

惟將新賜火
樊曰

周官司烜氏仲春以木鐸巡火禁于國中為季春將出火也後此乃以介子推焚死人至時一月寒食不敢烟火
嬰東漢周舉為太原始變其俗三日
而止孫曰周禮季春出火即賜火也
向曙著朝衣著直畧切

送李六協律歸荆南

孫曰李協律卿也公常量移為江陵法曹參軍故此詩首言羈遊處云

早日羈遊所春風送客歸柳花還漠漠江燕正飛飛補注

高齋詩話云退之詩江燕正飛飛蓋取老杜清秋燕子正飛飛歌舞知誰在賓僚逐使

非孫曰賓僚謂故時同僚使謂荆南節度宋亭池水綠韓曰杜子美詩曾聞宋玉宅每欲到

荆州荆州即江陵也公往在江陵寒食出遊有宋玉邊庭不見人之句莫忘蹋芳菲

題百葉桃花

韓曰知制

誥時作

百葉桃花晚更紅臨窻映竹見玲瓏臨一作窻應知侍史歸

天上故伴仙郎宿禁中

集注應劭漢官儀曰尚書入直臺廡中給侍史一人女侍史二

人皆選端正者侍史從至止車門還女侍史潔祓服執香爐燒薰以從入臺中給使護衣服也天上謂內庭公

以考功郎中知制誥寓直禁掖故云

春雪

新年都未有芳華二月初驚見草芽白雪却嫌春

色晚故穿庭樹作飛花

戲題牡丹

樊曰段成式酉陽雜俎云前史無說牡丹者
惟謝康樂集言竹間水際多牡丹成式檢隋
朝種植法初不說牡丹則知隋朝花藥中所
無也開元末裴士淹奉使回至汾州得白牡
丹一窠植于長興私第至德中馬僕射領太
原各得紅紫二色者移于城中元和初猶少
今與戎葵
角多少矣

幸自同開俱隱約何須相倚鬪輕盈凌晨併作新粧面
對客偏含不語情雙燕無機還拂掠游蜂多思正經營

長年是事皆拋盡今日闌邊暫眼明

盆池五首

洪曰劉貢父云退之古詩高卓至律詩雖可稱善要有不工者老翁真箇似童兒此真語語為戲耳或云盆池詩有天工如拍岸才添水數瓶一夜青蛙鳴到曉非意到不能作也

老翁真箇似童兒汲水埋盆作小池一夜青蛙鳴到曉

韓曰漢書顏師古注蛙似蝦蟆而長脚青色恰如方口釣魚時方口地名一作枋

莫道盆池作不成蕩梢初種已齊生從今有雨君須記

有雨一來聽蕭蕭打葉聲葉荷

作雨灑

瓦沼晨朝水自清小蟲無數不知名忽然飛散無蹤影

飛一本唯有魚兒作隊行

泥盆淺小詎成池夜半青蛙聖得知

孫曰盆池初成青蛙已至故如聖也

聖一聽暗來將伴侶不煩鳴喚鬪雄雌

韓曰漢武帝元鼎五年秋

蝦蟆鬪孫曰言不煩雌雄鳴喚相和也

池光天影共青青拍岸纔添水數瓶且待夜深乘月去

試看涵泳幾多星

涵泳游泳也樊曰此聯妙語也蘇內翰有涵星妍取此意云

芍藥

樊曰謝眺直中書省云紅藥當階翻公嘗和席八舍人云傍砌看紅藥至是知制誥直禁

中故亦
有此

浩態狂香昔未逢紅燈爍爍綠盤龍
孫曰紅燈爍爍以喻其花綠盤龍以

喻其覺來獨對忽驚恐
蔡本作情驚恐身在仙宮第幾重

和虢州劉給事使君三堂新題二十一詠
并序

孫曰開元中岐薛等五王迭為此州作三堂後刺史馬錫改作遂有名于世三堂者取臣

子在三
之節

虢州刺史宅連水池竹林往往為亭臺島渚
孫曰水中
有山曰島

小洲曰渚
渚汜也

目其處為三堂劉兄自給事中出刺此州在
任逾歲職修人治州中稱無事頗復增飾從子弟而遊
其間又作二十一詩以詠其事流行京師文士爭和之
余與劉善故亦同作

新亭

湖上新亭好公來日出初水紋浮枕簟瓦影蔭龜魚

流水

汨汨幾時休

孫曰說文汨水流也祝曰淮南
子混混汨汨○汨于筆切又音骨

從春復到

秋祇言池未滿池滿強交流

竹洞

竹洞何年有公初斫竹開洞門無鎖鑰俗客不曾來

月臺

南館城陰閣東湖水氣多直須臺上看始奈月明何

渚亭

自有人知處那無步往蹤莫教安四壁面面着芙蓉

芙蓉

花荷

竹溪

唐本作
渚前亭

藹藹溪流漫

一作慢

稍稍岸篠長

篠細竹也祝曰宋玉笛賦奇篠異篠○篠先鳥

切穿沙碧簞淨

簞古
早切

落水紫苞香

北湖

聞說遊湖棹尋常到此迴應留醒心處準擬醉時來

花島

蜂蝶去紛紛香風隔岸聞欲知花島處水上覓紅雲

柳溪

柳樹誰人種行行夾岸高

行胡郎切

莫將條繫纜

纜船索力憾

切著處有蟬號

著直略切

西山

新月迎宵挂晴雲到晚留為遮西望眼終是懶迴頭

竹逕

無塵從不掃有鳥莫令彈若要添風月應除數百竿

荷池

風雨秋池上高荷蓋水繁未諳鳴撼撼

祝曰撼撼墮落聲選盧子諒云

檄檄芳葉零潘岳秋興賦庭樹檄以灑落公
詩又有檄檄并梧疎更頌之句○檄音索 那似卷翻

翻

稻畦

卦布畦堪數

○孫曰卦布者如八卦分布畦畦壟
○數所矩切卦布一本作罨圃

枝分水

莫尋魚肥知已秀

○秀稻花也 鶴沒覺初深

柳巷

柳巷還飛絮春餘幾許時
吏人休報事公作送春詩

花原

一作源

原上花初發公應日日來
丁寧紅與紫慎勿一時開

北樓

郡樓乘曉上盡日不能迴
晚色將秋至長風送月來

鏡潭

非鑄復非鎔泓澄忽此逢
泓烏切魚鰕不用避祇是照蛟

龍

孤嶼

朝遊孤嶼南

祝曰嶼水中洲也選亂流趨孤嶼○嶼音叙

暮戲孤嶼北所以

孤嶼鳥與公盡相識

方橋

非閣復非船可居兼可過君欲問方橋方橋如此作祝

廣韻作造也吳人以作為佐

梯橋

乍似上青冥青冥青霄初疑躡菡萏菡萏荷花自無飛仙骨欲度

何由敢孫曰橋如梯狀故云

月池

欽定四庫全書

寒池月下明新月池邊曲若不妬清妍却成相映燭

遊城南十六首

英曰遊城南十六首未必一日所作編者集之云爾

賽神

孫曰賽謂禱賽字本作塞漢書郊祀志云冬塞禱祀廣陵厲王殺牛塞禱是也今作賽○

賽悉代切

白布長衫紫領巾

巾中

差科未動是閒人麥苗含穠桑

生甚

孫曰穠秀也與穗同甚桑實詩食我桑黠懷我好音黠即甚字○甚食荏切

共向田頭

樂社神

題于賓客莊

孫曰于頔字允元元和八年為太子賓客樊曰公作此詩時頔死矣故其落句云云

榆莢車前蓋地皮

集注釋木云榆莢榆錢爾雅云白粉車前草名釋草云一名芣苢一名馬

烏郭璞云大葉長穗好生道邊江東呼為蝦蟇衣又陸機云馬芣一名車前一名當道喜在牛跡中生○車尺

遮切 薔薇蘸水筍穿籬

孫曰薔薇花名蘸水謂垂在水中

馬蹄無入朱門

跡縱使春歸可得知

春歸謂春到也

晚春

草樹知春不久歸

草樹草木也
一本作草木

百般紅紫鬪芳菲
楊

花榆莢無才思
惟解漫天作雪飛

落花

已分將身著地飛

分扶
問切

那羞踐蹋損光輝
無端又被

春風誤吹落西家
不得歸

楸樹二首

幾歲生成為大樹
一朝纏繞困長藤
誰人與脫青羅
帔看吐高花萬萬層

幸自枝條能樹立

幸自一作自幸

何煩蘿蔓作交加

孫曰蘿女蘿蔓草名

詩烏與女蘿爾雅云一名兔絲

旁人不解尋根本却道新花勝舊花

風折花枝

浮艷侵天難就看清香撲地可遙聞

撲弼角切可字一本作只春風

也是多情思故揀繁枝折贈君

故字一本作將又一本云故折花枝將贈君

贈張十八助教

孫曰張十八籍也時為四門國子助教

喜君眸子重清朗

韓曰籍嘗病眼故云樊曰籍亦有詩云三年病眼今年校

攜手城

南歷舊遊忽見孟生題竹處相看淚落不能收

孫曰公與孟郊

嘗遊此有城南聯句在集中至是郊死矣郊以元和九年八月卒

題韋氏莊

樊曰城南韋曲在唐最盛名與杜陵相埒當時語曰城南韋杜去天尺五杜子美贈韋贊善詩所謂時論同歸尺五天是也時莊已衰矣故公所題詩語如此

昔者誰能比今來事不同寂寥青草曲散漫白榆風架

倒藤全落籬崩竹半空寧須惆悵立

須一作知
惆一作怳

翻覆本

無窮

晚雨

廉纖晚雨不能晴

廉纖細雨也一本作晚雨廉纖不能晴

池岸草間蚯蚓

鳴投竿跨馬蹋歸路纔到城門打鼓聲

門一作聞

出城

暫出城門踏青草遠于林下見春山應須韋杜家家到

韋杜見上注只有今朝一日閒

把酒

擾擾馳名者誰能一日閒我來無伴侶把酒對南山對

謝作

嘲少年

直把春償酒都將命乞花

乞與人物也
乞音氣

祇知閒信馬不

覺誤隨車

楸樹

青幢紫蓋立童童

孫曰幢幡幢也蜀先主傳舍東南角
有桑樹童童如小車蓋童童茂盛貌

江○幢傳
切

細雨浮烟作綵籠不得畫師來邈取

邈莫角切

一
貌取

本作定知難見一生中

遠興一作遣興

斷送一生惟有酒尋思百計不如閒莫憂世事兼身事
須著人間比夢間

贈同遊

補注此篇今諸本去其辭而見于外集按舊
本次風折花枝後或謂當在把酒下未詳姑
載于此以備
十六章之詩

喚起窻全曙催歸日未西無心花裏鳥更與盡情啼

洪曰

魯直云吾兒時每哦此詩而了不解其意自出峽來吾
年五十八矣時春曉偶憶此詩方悟之喚起催歸二禽

名也。古人于小詩用意精深如此。況其大者乎。蓋其學問淵源有五石六鷲之旨。催歸子規也。喚起聲如人絡絲圓轉。清亮偏于春曉。鳴江南。謂之春喚。補注復齋謾錄云。予嘗讀唐顧渚山茶記曰。顧渚山中。有鳥如鸚鵡。而色蒼。每至正二月。作聲曰春起也。三四月云春去也。採茶人呼為喚春鳥。然則喚起之名。唐人說矣。豫章不舉為證何耶。

五百家注昌黎文集卷九

欽定四庫全書

五百家注昌黎文集卷十

宋 魏仲舉 編

律詩

送李尚書赴襄陽八韻

得長字

孫曰李遜字友道荊州石首人元和十年十月
分山南東道為兩節度使以遜檢校工部尚書
為襄州刺史充襄復郢均房節度使以右羽林
將軍高霞寓為唐州刺史充唐隨鄆節度使遜
赴襄陽廷臣送者三十餘人分韻賦詩太常卿
許孟容為之序韓曰按遜本傳遺戶部侍郎為

山南東道節度使又按襄州石本題名銜云檢校工部尚書李遜時遜蓋自尚書而出史略之

帝憂南國切

孫曰詩召伯之勅明于南國南國謂南方之國

改命付忠良

孫曰先是

山南東道節度使嚴綬討吳元濟無功罷為太子少保乃以遜為節度故云改命忠良謂遜也

壞畫星

搖動

孫曰壞畫謂分畫其土壤為兩節度也九州之地皆有分星因壞畫故分星搖動也

旗分獸

簸揚

孫曰周禮熊虎為旗分賜也旗分謂分賜之以旌旗獸即熊虎之屬。簸音播

五營兵轉

肅

孫曰後漢張奐率五營士圍竇武武自殺五營士謂禁旅韓曰五營謂遜所部五州

千里地還

方

韓曰孟子海內之地方千里者九

控帶荆門遠飄浮漢水長賜書寬

屬郡戰馬隔隣疆縱獵雷霆迅觀碁玉石忙風流峴首

客

峴山名在襄陽樊曰晉羊叔子登峴山從事鄒湛曰公名當與此山俱峴首客謂湛也○峴胡典切

花

艷大堤倡

大堤地名在襄陽韓曰宋隋王誕為襄陽耶聞諸女歌因為詞曰朝發襄陽城暮至大堤

曲大堤諸女兒
花艷驚郎目

富貴由身致誰教不自強

和席八十二韻

樊曰席八或以為席謙非也當是席葦按諱行錄席葦行八貞元十年進士劉公嘉話云韓十八初貶席十八舍人為詞嘉話以席八為席十八唯元微之和樂天詩有云尋傷掌誥俎其下箋云去年聞席八歿而范攄雲谿友議記劉夢得語云與呂化光論制誥而鄙席舍人葦是以知席八為席葦也明矣公以元和十一年與之同掌誥故有倚市吹竽之

句十二
年黃卒

絳闕銀河曙

絳闕丹闕

東風右掖春

韓曰應劭漢官儀中書為右曹稱西掖殊曰正

門之兩旁曰掖

官隨名共美花與思俱新綺陌朝遊間

孫曰綺謂阡陌

如綺繡也南北曰阡東西曰陌阡陌謂徑路也間礙也

綾衾夜直頻

孫曰漢官典職儀曰尚書

郎入直供青綾白綾被直宿直也韓曰又漢內臣卧青綾被

橫門開日月高閣切星

也切

近庭變寒前草天銷霽後塵溝聲通苑急柳色

壓城勻綸綉謀猷盛

孫曰禮記王言如綸其出如綉綸絲綸綉大索。綸音倫綉音弗

丹青步武親芳菲含斧藻

孫曰揚子吾未見斧藻其德若斧藻其藻者斧藻文飾也

光景暢形神傍砌看紅藥

樊曰謝眺中書省詩云紅藥當階翻紅藥芍藥也席八為

舍人故公有此句

巡池詠白蘋

孫曰柳惲為吳興太守有江南曲云汀洲採白蘋日落江南春

詩意以席比柳惲也

多情懷酒伴

懷一作怯

餘事作詩人倚市難藏拙

韓曰漢書刺繡文不如倚市門市字一本作玉

吹竽久混真

樊曰韓子齊宣王使人吹竽必三百

人南郭先生不知竽者而濫于三百人中以吹竽食祿後王即位曰寡人之好竽欲一一吹之南郭先生乃逃

坐慙空自老江海未還身

孫曰自倚市以下公自喻也

和武相公早春聞鶯

孫曰相公名元衡元和二年十月自門下平章事出為西川節度使樊曰元衡以元和八

年三月自西川節度使拜相公此篇與所
和孔雀皆元衡拜相後追和其鎮蜀時作

早晚飛來入錦城

錦城成都

誰人教解百般鳴春風紅樹驚

眠處似妬歌童作艷聲

太安池

韓曰唐長安有大安宮有大安亭而太安池未嘗載見豈安樂公主所鑿定昆池耶安樂

公主中宗女景龍中請昆明為私沼中宗不予主怒自鑿定昆池延袤數里詩所謂當年

欲占春者以此耳

公主當年欲占春

當年一年常

故將臺榭壓城闈

音因

欲知前

面花多少

補注少字一本作處筆墨間錄云今
孤澄本作多少字勝處字十倍矣

直到南

山不屬人

晚春

誰收春色將歸去

將歸去一本
作歸將去

慢綠妖紅半不存

妖一作天

榆莢只能隨柳絮等閒撩亂走空園

大行皇太后挽歌詞 三首

孫曰韋昭云大行者不反之辭天子皇后崩
未有謚故稱大行皇太后姓王氏憲宗之母

順宗
之后

一紀尊名正

樊曰順宗在東宮冊王氏為良娣及即位將立為后會病棘而止憲宗永貞元年八月

月受禪立為太上皇后元和元年五月尊為皇太后十一年三月崩永貞元年歲在丁酉至是丙申十二年矣

故云一紀尊名正也

三時孝養榮

孫曰禮記文王之為世子朝于王季日三雞初鳴日中及暮此

謂三時也

高居朝聖主

孫曰朝聖主謂為聖主所朝也

厚德載羣生

孫曰易坤厚載物羣生物也

武帳虛中禁玄堂掩太平

韓曰齊謝眺敬皇后哀冊

文曰翠帝舒阜玄堂啟扉玄堂山陵

秋天笳鼓歇

孫曰十一年八月葬豐陵謚莊憲秋天謂此八

月也。松柏徧山鳴

威儀備吉凶文物雜軍容配地行新祭

孫曰漢光武帝元元年上文帝

母薄太后曰高
皇后配食地

因山託故封

孫曰漢文帝先治霸陵因
其山不起墳皇后合葬豐

陵故云 鳳飛終不反

孫曰列仙傳籥史教秦穆公女弄
玉吹籥作鳳聲鳳來止其屋一

旦皆隨鳳
風飛去

劍化會相從

孫曰晉雷煥為鄴城令掘獄得
雙劍送一與張華自留其一華

曰此干將也莫邪安在天生神物終當合耳華誅失劍
所在煥死其子華持劍經延平津忽于腰間躍出墮水

化為兩龍各長數丈張公終合之論此其驗乎補注王
介甫曰此非君臣所宜言近于黷也樊曰莊憲後順宗

崩公故云謂
近乎黷非也

無復臨長樂

孫曰叔孫通傳惠帝東朝長
樂宮長樂漢時皇太后所居

宮名 空聞曉暮鐘

曉暮鐘一本
作報曉鐘

追攀萬國來警衛百神陪

警猶警
蹕也

畫翼登秋殿

韓曰世
本云周

制以王后夫人車服輦車有翼即集雉羽為扇以陣風塵也孫曰禮喪服大記翬翼二徽翼二畫翼二注云漢

制以木為筐廣三尺高二尺四方兩角高衣以布○畫者畫雲氣其餘各如其象柄長五尺車行使人持之而

從既變樹于壙容衣入夜臺孫曰容衣蓋服喪大記飾棺君龍帷三池振容注云

青質五色畫之于絞繒而垂之以為振容容衣蓋謂此也韓曰選陸士衡挽歌送子長夜臺夜臺謂閉墓無復

見明也雲隨仙馭遠風助聖情哀只有朝陵日粧奩一暫

開奩鏡奩也孫曰漢明帝謁原陵見太后鏡奩中物感動悲涕令易脂澤裝具左右皆泣奩與匱同音廉

廣宣上人頻見過

集注廣宣蜀僧有詩名元和中住長安安國寺白樂天所云廣宣上人詔許居安國寺紅

樓院以詩供奉是也宣有詩號紅樓集唐藝
文志又有宣與令狐楚唱和一卷劉夢得集

中亦有因呈廣宣上人二詩其
在中都與公數往來無足怪也

三百六旬長擾擾

朝曰書三百有六旬有六
日以閏月定四時成歲

不衝風雨

即塵埃久為朝士無裨補

裨音卑為
字一作慙

空愧高僧數往來

數音朔

學道窮年何所得吟詩竟日未能迴天寒古寺遊

人少紅葉窻前有幾堆

閒遊二首

樊曰公時自中書
舍人降右庶子

雨後來更好繞池徧青青柳花間度竹菱葉亂穿萍

字

一作菱亂
字一作故

獨坐殊未厭孤斟詎能醒音持竿至日暮幽

詠欲誰聽

茲遊苦不數再到遂經旬

到一作至
經一作兼

萍蓋汙池淨藤籠

老樹新林鷺鳴訝客

鷺一作鳥

岸竹長遮隣子雲祇自守

樊曰

楊子雲傳安帝時丁傳董賢用事諸附麗之者皆為三公或起家至二千石雄方草太元有以自守洎如也

奚事九衢塵

韓曰三輔舊事長安城中八街九陌

酬馬侍郎寄酒

孫曰馬侍郎名摠字會元扶風人樊曰以子厚曹溪大鑿碑考之摠以元和八年廉問嶺南十年冬尚留鎮其召入為刑部侍郎則十一年也明年兼御史大夫副裴度宣慰淮西一壺情所寄四句意能多秋到無詩酒其如月色何

和侯協律詠筍

樊曰侯協律喜也或云公意專以譏時相自得時方張王至蛇虺首掀掀大抵言其挾勢植黨苞藏姦慝之狀如此豈李逢吉之謂耶是時裴度欲討蔡逢吉引其黨令狐楚蕭俛等沮之公亦生忤宰相意自中書舍人降右庶子

竹亭人不到新筍滿前軒乍出真堪賞初多未覺煩成

行齊婢僕環立比兒孫驗長常攜尺愁乾屨側盆對吟

忘膳飲偶坐變朝昏

偶坐對

滯雨膏腴濕驕陽氣侯温得

時方張王

祝曰張王興盛貌左氏隋張必弃小國
太元經用事者王。張音帳王音旺

挾勢

欲騰騫

騫一作騫

見角牛羊沒看皮虎豹存攢生猶有隙

音措

噴散布忽無垠詎可持籌算誰能以理言

以一作無者非

縱橫

公占地羅列暗連根狂劇時穿壁羣強幾觸藩

孫曰易大壯羝

羊觸藩藩籬也

深潛如避逐遠去若追奔始訝妨人路還驚入

藥園萌芽防寢大覆載莫偏恩已復侵危砌非徒出短

垣身寧虞瓦礫厯音計擬掩蘭蓀且歎高無數庸知上幾

番短長終不校先後竟誰論外恨苞藏密孫曰包中仍

節目繁暫須迴步履要取助盤餐穰穰疑翻地穰如森

森競塞門戈矛頭戢戢戢戢多貌蛇虺首掀掀軒音婦懦咨聊

揀兒癡謁盡髡侯生來慰意一作我詩句讀驚魂屬和才

將竭呻吟至欲噉孫曰呻吟誦詠也噉日出貌。噉他昆切

過鴻溝

韓曰漢高帝四年項羽與漢中分天下割鴻溝以西為漢東為楚羽解而東歸漢王欲西

歸張良陳平諫乃止樊曰應劭注鴻溝在滎陽東二十里此詩公從裴晉公平蔡入汴過

鴻溝作也此下皆

隨晉公伐蔡詩

龍疲虎困割川原

孫曰龍虎以喻劉項川原即謂鴻溝也

億萬蒼生性命

存誰勸君王迴馬首

孫曰勸謂良平所勸見題注

真成一擲賭乾坤

送張侍郎

孫曰元和十二年張賈初自兵部侍郎出為華州刺史侍郎又一本作侍御

司徒東鎮馳書謁

孫曰元和十年正月加宣武節度使韓弘為司徒九月以為淮西行營兵

馬都統東鎮謂弘也持書謂已持書往謁弘也

丞相西來走馬迎

孫曰元和十二年七月以

宰相裴度為淮西宣慰處置等使走馬迎謂已走馬迎度也

兩府元臣今轉密

孫曰元大

也兩府即謂弘度

一方逋寇不難平

贈刑部馬侍郎

韓曰摠本傳元和四年為安南都護八年徙桂管觀察使入為刑部侍郎十二年裴晉公

平蔡奏總為副詩故及之

紅旗照海壓南荒

孫曰摠為嶺南節度尋名為刑部侍郎故云壓南荒也

徵入中

臺作侍郎

韓曰漢官尚書為中臺御史為憲臺謂者為外臺中臺一作臺中非也

暫從相

公平小寇

樊曰晉公微時遊洛一日策蹇上天津橋有二老人語曰蔡州何時得平忽見公愕然曰

須待此人為將僕聞其語以告公曰見我龍鍾故相戲耳事見唐康駢劇談錄蔡州終待公後平天津老人亦異便歸天闕致時康

和裴相公東征塗經女兒山下作

樊曰女兒山在河南府福昌縣三十四里白樂天云晉公出討淮西過女兒山下題詩云

待平賊壘報天子莫指仙山亦武夫而公此詩和云敢請相公平賊後暫攜諸吏上崢嶸

其年果

如所言

旗穿曉日雲霞集

一作雜

山倚秋空劔戟明

洪曰一士人云以我之旗

況彼雲霞以彼之山況我劔戟詩家謂之迴鸞舞鳳格

敢請相公平賊後暫攜諸

吏上崢嶸

郾城晚飲贈副使馬侍郎馮宿李宗閔二員外

孫曰元和十二年四月吳元濟郾城守將鄧懷金以城來降七月以宰相裴度為淮西宣慰使以刑部侍郎馬摠兼御史大夫充副使以郾城為行蔡州公以右庶子兼御史大夫充彰義軍行軍司馬司勳員外郎李正封都官員外郎馮宿禮部員外郎李宗閔皆兼侍御史為判官書記○郾音偃又一本侍郎字下有及字

城上赤雲呈勝氣眉間黃色見歸期

韓曰蔡未平數月前吳武陵自峽石

望東南氣如旗鼓牙盾皆顛倒橫斜少選黃白氣出西北盤峽相交武陵告公曰今西北王師所在氣黃白喜

象也敗氣為賊日直木舉其盈數
不閱六十日賊必亡矣見新傳

幕中無事惟須飲即

是連鑣向闕時

韓曰說文云鑣馬銜也。鑣補驕切

別留後馬侍郎

韓曰蔡平裴度留摠蔡州知彰義軍節度使留後公此詩所以別也

為文無出相如右

樊曰相如司馬相如漢武帝擢居左右時淮南王安善為文詞帝甚尊重

之每為報書及賜常召相如等視草乃遣

謀帥難居郤穀先

孫曰僖二十七年左氏晉文公

作三軍謀元帥趙衰曰郤穀可臣亟聞其言矣說禮樂而敦詩書。郤音隙穀音斛

歸去雪銷漆

洧動

補注溱洧二水名溱在河南洧在鄭動流也

西來旌旆拂晴天

孫曰言摠行亦

召歸故云
其西來

同李二十八夜次襄城

孫曰李二十八名正封
次舍也襄城汝州縣名

周楚仍連接川原乍屈盤雲垂天不暖塵漲雪猶乾印

綬歸台室旌旗別將壇

樊曰印綬歸台室謂裴度復入
為宰相旌旗別將壇謂馬摠留

蔡為
留後欲知迎候盛騎火萬星攢

同李二十八員外從裴相公野宿西界

樊曰公與李正封從晉公十一月二十八日
自蔡入朝十二月十六日至自蔡則知殘年

過襄城矣
落句可見

四面星辰著地明

著直略切

散燒烟火宿天兵不關破賊須

歸奏自趁新年賀太平

過襄城

見前詩注

郟城辭罷過襄城

樊曰郟城屬許州晉公行蔡州治所襄城則汝州也○郟音偃

潁水

嵩山刮眼明

孫曰潁水嵩山皆在洛陽界

已去蔡州三百里家人不

用遠來迎

宿神龜招李二十八馮十七

樊曰汝州有神龜驛臺按九域志開皇初建
李謂正封馮謂宿也一本馮十七作馮八

荒山野水照斜暉
啄雪寒鴉趁始飛
夜宿驛亭愁不睡
幸來相就蓋征衣

次峽石

韓曰峽石峽州縣名去潼
關為近故可隱約見之

數日方離雪今朝又出山
試憑高處望隱約見潼關

和李二十八司勳連昌宮

樊曰李正封也連昌宮在河南壽安縣之二
十九里按志高宗顯慶三年置然詩落句云

云疑為明皇所作而元微之連昌宮辭大槩亦詠明皇帝或云開元中曾葺之耳公從晉公平淮西回過壽安而作一本題云和李司空勲過連昌宮

夾道疎槐出老根高甍巨榭壓山原莫莫耕切宮前遺老來

相問今是開元幾葉孫

次潼關先寄張十二閣老使君

孫曰潼關在華州華陰縣界張閣老即謂華州刺史也公嘗有送張為華州詩補注國史補云兩省相呼為閣老

荆山已去華山來孫曰史記黃帝鑄鼎荆山下荆山在漢馮翊懷德縣華山太華也在華陰

縣東樊曰荆山在襄之南漳此云與華山相次
則河南之荆山也按志在壽安縣南三十五里
日照潼

關四面開

照一作出面一作扇

刺史莫辭迎候遠相公親破蔡州

迴

親一作新李公彦云當作新

次潼關上都統相公

孫曰元和十年正月加宣武軍節度使韓弘
守司徒九月以弘為淮西行營兵馬都統

暫辭堂印執兵權

孫曰執兵權即謂為都統也

盡管諸軍破賊年冠

蓋相望催入相待將功德格皇天

補注書曰在太甲時則有若伊尹格于皇

天

桃林夜賀晉公

樊曰桃林書武成所謂放牛于桃林之野舊為陝州縣名天寶初改為靈寶縣

西來騎火照山紅夜宿桃林臘月中手把命珪兼相印

一時重疊賞元功

孫曰元和十二年十二月以彭義軍節度淮西宣慰處置使門下侍郎平

章事裴度可本官賜上柱國晉國公食邑三百戶韓曰除命在十二月壬戌其年十二月丙辰朔則壬戌其月七日也度以其月十六日方至自蔡則前所除命蓋在公未入朝之前故公此詩夜賀晉公于桃林也

送李員外院長分司東都

李員外正封樊曰從裴相出征凡三員外李正封馮宿李宗閔及還宿遷比部郎中宗閔

遷駕部郎中知制誥獨正封至是
猶曰李員外正封無傳不能詳也

去年秋露下羈旅逐東征

祝曰羈旅旅寓也周禮以甸聚待羈旅孫曰謂十二年八

月征吳元濟時
○羈許宜切

今歲春光動驅馳別上京

孫曰謂十三年春季分司

東都上京
京師也

飲中相顧色送後獨歸情兩地無千里

孫曰兩地

謂東
京

因風數寄聲

晉公自蔡州入覲塗中重拜台司以詩示幕中

賓客愈因和之

一本題云晉公破賊回重拜台
司以詩示幕中賓客愈奉和

南伐旋師太華東

樊曰桃林在太華之東謂桃林也。華胡化切。

天書夜到冊

元功將軍舊歷三司貴

孫曰將軍謂淮西宣慰使三司所謂三公也。

相國新

兼五等崇

韓曰書列爵惟五注五等之爵公侯伯子男也度封晉國公故云。

鴛鴦欲歸

仙仗裏

孫曰鴛鴦謂幕中諸僚。

熊羆還入禁中營

韓曰書夫子尚桓桓如虎如豹

如熊如羆孫曰度東征以神策軍三百人衛從熊羆謂此禁旅也。

長慚典午非材識

典司午馬也公為行軍司馬故云典午譙周以蜀降時晉文王為魏相下書辟周周曰典午忽兮月酉没兮典

午謂司馬月酉八月也八月文王果崩識字一本作職

得就間官即至公

獨釣四首

樊曰二章云生厭親刑柄為刑
部侍郎時作鈞字一本作酌

侯家林館勝

孫曰侯家謂公侯之家

偶入得垂竿曲樹行藤角平

池散芡盤

芡音儉

羽沈知食快

一作駛

緜細覺牽難

緜絲

聊

取夸兒女榆條擊從鞍

一逕向池斜池塘野草花雨多添柳耳水長減蒲芽坐

厭親刑柄

親刑見題注坐厭一作厭坐

偷來傍釣車太平公事少吏

隱詎相賒

韓曰選王康珺反招寃詩小隱隱林戴大隱隱朝市伯夷竄首陽老聃伏柱史皆言吏隱

也詎豈也賒放也

獨往南塘上秋晨景氣醒露排四岸草風約半池萍

約

也鳥下見人寂魚來聞餌馨所嗟無可召不得倒吾餅

秋半百物變溪魚去不來風能坼茨蓂露亦染梨顯

本一

風能作風稜露亦作露液魯直所改云

遠岫重疊出寒花散亂開所期終

莫至日暮與誰迴

枯樹

老樹無枝葉風霜不復侵腹穿人可過皮剝蟻還尋寄

託惟朝菌

孫曰莊子朝菌不知晦朔朝菌大芝也天陰則生糞土見日則死。菌巨隕切

依投

絕暮禽猶堪持改火

樊曰論語鑽燧改火馬融曰周書令有改火之文春取榆柳之火夏

取棗杏之火季夏取桑柘之火秋取柞楨之火冬取檀槐之火一年之中鑽火各異木故曰改火也未肯

但空心

元日酬蔡州馬十二尚書去年蔡州元日見寄

之什

孫曰元和十二年十二月以蔡州留後馬摠檢校工部尚書蔡州刺史充彰義軍節度使十三年元日有詩寄公五月以摠為許州刺史忠義軍節度使陳許汝瀋蔡觀察等使十四

年元日公以此詩酬之

元日新詩已去年蔡州遙寄荷相憐今朝縱有誰人領

自是三冬不敢眠

冬一作岑

同侯十一詠燈花

祝曰侯喜字叔起行十
一或曰此詩極似少陵

今夕知何夕

韓曰詩綢繆云今夕何夕見此良人

花然錦帳中自能當雪

暖那肯待春紅囊裏排金粟

囊字一本作黃又一作屋或曰黃裏事出漢書黃屋

注天子居以黃繒為蓋裏云云

釵頭綴玉蟲更煩將喜事

孫曰西京雜記曰目矚得

酒食燈花得錢財朝來報主人翁
曰杜詩燈花何太喜

祖席得前字

樊曰世傳此二詩公為王涯作涯字廣津元初其甥皇甫湜對策忤宰相涯因是貶號

州司馬徙為袁州詩云宜春即謂袁州也

祖席洛橋邊

孫曰公時分司東都故云洛橋邊也

親交共黯然

孫曰江淹別賦黯然

銷寇惟別而已

野晴山簇簇
霜曉菊鮮鮮
書寄相思處
盃銜

欲別前

孫曰銜盃嗽醪

淮南知不薄

韓曰漢武帝召汲黯為淮南太守黯不受印綬上曰

君薄淮陽耶吾今召君矣南字一作陽

終願早迴船

又得秋字一
云傷秋

淮南悲木落

孫曰楚詞悲哉秋之為氣也蕭瑟今草木搖落而變衰淮南謂淮南王安也此本宋

玉之詞今云淮南恐誤

今我亦傷秋

今一作而

況與故人別那堪羈宦

愁

韓曰選陸士衡赴洛詩羈旅遠遊宦

榮華今異路風雨苦同憂莫以宜

春遠江山多勝遊

樊曰此詩公自題其後云兩詩何處好就中何處佳何處惡

送鄭尚書赴南海

得來字

祝曰鄭尚書名權序在集

番禺軍府盛

祝曰番禺廣州屬縣前漢尉陀所都咸會番禺注即今之廣州樊曰舊唐史志南海

即漢番禺縣武德四年置廣州番禺州東三百步禺山在北一里。番禺音潘禺音愚欲說暫停盃

盖海旂幢出連天觀閣開衙時龍戶集

韓曰南部新書長安有龍戶見

水色則知有龍或引出但鯀魚而已

上曰馬人來

韓曰後漢馬援討尋邑蠻以不能還者數十人

留于象林南界所鑄銅柱下南蠻呼為馬留人見新史南蠻傳

風靜鷓鴣去

祝曰鷓鴣海鳥左氏

祀爰居選海鳥鷓鴣避風而至樊曰國語海鳥曰鷓鴣止于魯東門之外三日展禽曰今茲海其有災乎夫廣

川之鳥獸常避其災也是歲也海多大風○鷓音爰鷓音居

官廉蚌蛤迴

樊曰東漢孟嘗為合

浦太守郡不產穀實而海多珠寶先時守宰貪稔珠徒交趾嘗到官易前弊珠復還

貨通師子國

韓曰師子國在南海中斜袤二千餘里國史補云師子國船最大梯而上下數丈皆積寶貨云云

樂奏

越王臺

樊曰越王南越王趙佗也佗初行南海尉事漢十一年立為南越王孫曰臺在州城西北三四

里越字
一作武
事事皆殊異無嫌屈大才

答道士寄樹雞

祝曰樹雞木
耳之大者

軟濕青黃狀可猜欲烹還喚木盤迴煩君自入華陽洞

韓曰茅君內傳大天之內有玄中之洞六十
三所第八曲向山之洞曰金壇華陽之天

直割乖龍

左耳來

樊曰乖龍左
耳取譬也

左遷至藍關示姪孫湘

集注漢時依上古法朝列以右為尊故謂降
秩為左遷藍關即秦之峽關在今藍田縣湘

字北渚按酉陽雜俎云韓侍郎有疎從子姪
自江淮來年少狂率韓責之謝曰某有一藝
因指堦前牡丹曰要此花青紫黃赤唯命韓
試之乃掘窠治根七日花發色白黃歷緣每
朵有一聯詩字色紫乃公出關時詩雲橫秦
嶺家何在雪擁藍關馬不前韓大驚異後辭
歸江淮終不願任青瑣高議云湘公姪落魄
不羈公勉之學乃笑作詩有能開頃刻花之
句公曰汝能奪造化開花乎湘遂聚土覆盆
良久曰花已發矣舉盆乃碧花二朵葉間有
小金字乃詩一聯云雲橫秦嶺家何在雪擁
藍關馬不前公未曉詩意湘曰事久方驗公
後貶潮陽途有一人冒雪而來乃湘也湘曰
憶向花上之句乎公詢地名即藍關嗟嘆命
筆續成全篇乃此詩也二說互不同公逸詩
有徐州贈族姪云自言有奇術探妙知天工

意若指此東坡有冬日牡丹詩云使君要見
藍關詠須請韓郎為染根則是亦引用酉陽
雜俎事筆墨間錄云公此詩仁
且有禮非志仁義者不能也

一封朝奏九重天夕貶潮州路八千

公為刑部侍郎上

表極諫佛骨事帝大怒將抵死持示宰相崔羣裴度羣
度力言愈忠願少寬假以來諫諍帝稍解乃謫潮州刺

史州字一

欲為聖明除弊事

一作本

豈將衰朽計殘年

作豈于哀暮計殘年
又一本作惜殘年

雲橫秦嶺家何在雪擁藍關馬不

前見題

知汝遠來應有意好收吾骨瘴江邊

韓曰左傳
秦使蹇叔

之子伐晉蹇叔哭而送之曰晉人禦師必
于穀穀有二陵必死是間余收爾骨馬

武關西逢配流吐蕃

孫曰唐志武關在商州商洛縣之東樊曰公謫湖州自藍田入商洛于武關西見作

嗟爾戎人莫慘然
湖南地近保生全
地近一作近地
我今罪重

無歸望直去
長安路八千

次鄧州界

潮陽南去倍長沙

樊曰漢賈誼為長沙王太傅長沙潭州在唐隸江南西道而潮陽在嶺南

距長安八千里故曰倍云
戀闕那堪又憶家
心訝愁來惟貯火
惟一作誰

眼知別後自添花
商顏暮雪逢人少
商顏商州樊曰前漢溝洫志引洛水

至商顏下注商山之顏譬人之顏額也

鄧鄙春泥見驛賒

鄧州鄙邊也賒遠也韓曰威

公九年楚子使道朔將已容聘于鄧鄧南鄙鄙人攻而奪之幣

早晚王師收海嶽

孫曰時征

東平李師道至二月賊平普將雷雨發萌芽

題臨瀧寺

樊曰臨瀧潮州縣名唐武德四年置貞觀之八年省志云孫曰東南人謂湍為瀧瀧音雙

不覺離家已五千仍將衰病入瀧船潮陽未到人先說

人先說一作先聞說

海氣昏昏水拍天

水一作浪

晚次宣溪辱韶州張使君惠書叙別酬以二

章

補注筆墨間錄云潮州以後詩最哀深次宣溪絕句等詩絕有味

韶州南去接宣溪

洪曰韶州今本作潮州非是

雲水蒼茫日向西客

淚數行先自落

先一作元

鷓鴣休傍耳邊啼

孫曰鷓鴣鳥名似雉而南飛

兼金安足比清文

孫曰孟子餽兼金百鎰兼金美金韞曰選王僧達荅顏延年詩誦以運周

旋匣以代兼金注兼金最好金也安字一作那

白首相隨愧使君俱是嶺南巡

管內

孫曰潮韶二州皆屬嶺南節度

莫欺荒僻斷知聞

題秀禪師房

橋夾水松行百步竹牀莞席到僧家

祝曰莞草叢生水
中圓可以織席孫

曰詩下莞上簟。莞九還
切牀一作林洪曰非是

暫拳一手支願卧願一作頭還把

漁竿下晚沙

晚一作釣

將至韶州先寄張使君借圖經

洪曰此詩及下至韶州留
別詩皆自潮移棗道中作

曲江山水聞來久

孫曰曲江
韶州縣名

恐不知名訪倍難願借圖

經將入界亦逢佳處便開看

過始興江口感懷

孫曰韶州始興郡大厯十四年四月起居舍人韓會以罪貶韶州刺史公隨會而遷時年

十歲至是貶潮州道過始興所謂感懷也

憶作兒童隨伯氏

孫曰伯氏謂會也詩曰伯氏吹壎樊曰公復志賦云當歲行之未復兮從

伯氏以南遷即此也

南來今只一身存目前百口還相逐舊事無

人可共論

韶州留別張使君

孫曰公量移袁州故云留別

來往再逢梅柳新

孫曰元和十四年正月公以論佛骨貶潮州三月至潮州十月量移袁州

十五年正月至棗州其往來上下于韶皆梅柳新時也故云別離一醉綺羅春久欽江

揔文才妙

韓曰陳後主欲以江揔為太子詹事孔奐曰揔文華之人太子何藉于揔孫曰揔字揔持

以喻張也

自歎虞翻骨相屯

樊曰虞翻任吳為騎都尉數犯顏諫諍孫權不悅從徙丹陽涇

縣後又徙交州嘗云自恨疏節骨體不媧犯上獲罪當長沒海隅孫曰翻字仲翔以喻已也

鳴笛急

吹催落日

催一作爭

清歌緩送感行人

清一作嬌

已知奏課當徵

拜孫曰課治狀也

那復淹留詠白蘋

白蘋事見和席八詩注

量移棗州張韶州端公先以詩相賀因酬之

韓曰此量移命初下之時相贈答也

明時遠逐事何如遇赦移官罪未除韓曰公至潮州以表哀謝帝謂宰臣

曰昨得愈表因思其所諫大是愛我然愈為人臣不當言人主事佛七月羣臣上尊號大赦天下乃量移為袁

州刺史北望詎令隨塞雁孫曰左太冲蜀都賦晨鳧旦至候雁銜蘆本落南翔冰泮北徂

鴻雁之屬九月而南正月而北故公自言不如此塞雁得北向也樊曰蘇武使匈奴留匈奴中漢求武等匈奴

說言武死漢使復至常惠教之言天子射上林中得雁足有繫帛書言武等在某澤中使如其言責單于單于

謝曰實在于南遷纜免葬江魚韓曰屈原被讒王怒而遷之原至江濱曰寧赴

長流而葬江魚腹中乃作懷沙之賦負石投汨羅而死將經貴郡煩留客先惠高

文謝起予孫曰語曰起予者商也始可與言詩已矣起發也言于頁能發明已意暫欲繫

船韶石下

孫曰韶石在韶州西江縣靈屯嶺高百仞廣圓五里兩石對峙相去一里小大略等似雙

闕上有虞舜廟樊曰郡國志云舜登此奏韶樂繫船一本作寄船

上賓虞舜整冠裾

次石頭驛寄江西王十中丞閣老

孫曰元和十四年六月以中書舍人王仲舒為御史中丞洪州刺史江南西道觀察使時公來赴袁州樊曰袁隸江南西道公自袁還朝行次石頭而作是詩按水經注贛水西岸有盤石謂之石頭在豫章郡北豫章郡洪州也

馮憑高迴馬首

一本作試回首

一望豫章城人由戀德泣

由一作猶馬

亦別羣鳴寒日夕始照風江遠漸平

風江一作楓江又一作江風 江默

然都不語應識此時情

題西林寺故蕭二郎中舊堂公有女為尼在江

州

孫曰蕭郎中名存字伯誠穎士之子與公兄
會厚善公自少為存所知及自袁州還過存
廬山故居而存諸子皆前死有一女為尼公
為經紀其家西林即江州廬山寺也江州一
州
作女

中郎有女能傳業

韓曰蔡中郎邕女名琰字文姬興平
中天下喪亂為胡騎所獲曹操痛邕

無嗣以金贖之因問曰聞夫人家先多墳籍猶能記憶
否曰昔亡父賜書四千卷流離塗炭罔有存者今所誦

憶裁四百餘篇于是
繕寫送之文無遺誤

伯道無兒可保家

樊曰鄧攸字伯道為河南太守

永嘉末以石勒之亂負妻而逃擔其兒及其弟子綬恐不能兩全乃謂其妻曰吾弟早亡惟有一息理不可絕

乃自棄其兒而逃曰幸而得存後當有子過江仕終尚書右僕射卒以無嗣時人義而哀之曰天道無知使鄧

伯道無兒偶到匡山曾住處

孫曰廬山亦名匡山

幾行衰淚落烟霞補注

趙璘因話錄所載公詩與此略異今錄于此遊廬山過蕭金部山居中郎有女能傳業伯道無人可主家今日

匡山過舊隱空將衰淚到烟霞

自袁州除官還京行次安陸先寄隨州周員

外

樊曰諸本以隨州為循州誤矣循與潮相鄰
皆在廣南安陸則安州也安州去隨纔九十
又與隨皆隸湖北次安陸而寄隨州則道里
為便若自棗還京至安州而先寄詩循州則
道里何逆也公詩曰行行指漢東左傳云漢
東之國隋為大此非隨而何周員外謂君巢
也循又一
作復亦非

行行指漢東暫喜笑言同雨雪離江上蒹葭出夢中

孫曰

宣四年左氏鬪伯比從其母畜于郢淫于郢子之女
生子文焉郢夫人使棄諸夢中夢澤名在安陸東南

面

猶含瘴色眼已見華風歲暮難相值酣歌未可終

題廣昌館

樊曰館在今隋州棗陽縣南

白水龍飛已幾春

樊曰王莽惡劉氏以錢文有金刀故改為貨帛或以貨泉字文為白水真

人光武南陽白水人也張衡東京賦我世祖乃龍飛白水

偶逢遺跡問耕人

孫曰光武之高

仍號春陵節侯買本封在今永州元帝時徙南陽

丘墳發

掘當官道

孫曰當官道言無所畏忌也道字蔡本作路

何處南陽有近親

韓曰

建武十五年詔下州縣檢覈田舍光武見陳留吏牘上有書視之云潁川弘農可問河南南陽不可問帝詰吏不能對顯宗為東海公在幄後言曰河南帝城多近臣南陽帝鄉多近親

又寄周隨州員外

周隨州見上注

陸孟丘楊久作塵

孫曰貞元中公佐我汴州陸長源孟叔度丘穎楊凝及公與周皆在幕中

至是陸孟丘楊四人者死矣

同時存者更誰人

樊曰元和四年公分司東都有送李正字

歸湖南序云于時太傅府之士惟愈與河南司錄周君獨存其外則李氏父子相與為四人至作此詩時又一星終矣李氏父子存否莫詳因金丹別後知傳得乞取

刀圭救病身

孫曰周好金丹服餌之術柳子厚集中有答周君巢論餌藥久壽書是也樊曰公詩

及此而或者遂謂公晚年惑金石藥且引樂天思舊詩云退之服硫黃一病訖不痊公卒以長慶四年其三年誌李于墓方且厯疏以藥敗者六七以為世誠今乃不取此為正而徒云爾邪

醉中留別襄州李相公

樊曰李謂逢吉也舊史元和九年拜中書舍人十一年拜相尋出為劍南東川節度使穆

宗即位移襄州刺史山南東道節度使公自素召還過襄陽作也留別一作上別

濁水汙泥清路塵

孫曰曹子建詩君若清路塵妾若濁水

汙泥公以自喻清路塵以喻逢吉也

還曾同制掌絲綸

韓曰公元和十一年正月為中書舍

人而逢吉以其年二月自舍人拜相故云唐曰据送襄陽李尚書詩石本名銜云中書舍人李逢吉考工郎中

知制誥韓愈

眼穿長訝雙魚斷

韓曰選客從遠方來遺我雙鯉魚呼兒烹鯉魚中有尺素

書雙魚書也

耳熱何辭數爵頻

樊曰楊揮書云酒後耳熱仰天拊缶而呼烏烏

銀燭未

銷窻送曙

銷一作殘

金釵半醉坐添春

補注許彥周云退之詩酌馬上看為誰又云

金釵半醉坐添春乃知
賦梅花不獨宋廣平
知公不久歸釣軸孫曰逢吉果
以長慶二年

三月入為兵部
尚書尋再當國
應許間官寄病身

去歲自刑部侍郎貶潮州刺史乘驛之官其後

家亦譴逐小女道死瘞之層峯驛之山下今

過其墓留題驛梁

孫曰去歲謂十四年也是歲正月公自刑侍
貶潮州二月至商州層峯驛女瘞卒年十二
墓南山下今自袁州召還過墓。一本題
上有題驛梁三字下無留題驛梁四字

數條藤束木皮棺草殯荒山白骨寒驚恐入心身已病

扶昇沿路衆知難

昇音余

繞墳不暇號三帀

樊曰禮記延陵季子適齊

于其反也其長子死塋于贏博之間既封左袒右還其封且號者三○帀音作答切

設祭惟聞飯

一盤

韓曰荆楚歲時記孫楚祭子推文黍飯一盤醴酪二盃清泉甘水充君之厨

致汝無辜

由我罪百年慚痛淚闌干

闌干淚多貌

賀張十八秘書得裴司空馬

樊曰張籍有謝裴寄馬詩裴亦有詩答籍李絳元稹白居易劉禹錫張賈皆有詩賀之公亦有此作孔子曰齊景公有馬千駟死之日民無得而稱焉籍得一馬而諸公爭為之詠若此誠以其人耶張裴詩附于後跡曰賀字當作和

司空遠寄養初成

孫曰元和十四年四月以裴度為河東節度使十五年九月以度守司空

遠寄謂自河東寄籍

毛色桃花眼鏡明

孫曰爾雅馬黃白雜毛曰馵注云今桃花馬也顏延

之赭白馬賦曰雙瞳夾鏡兩權協月眼鏡言兩眼如鏡也

落日已曾交響語春風還

擬並鞍行長令奴僕知飢渴須著賢良待性情

孫曰謂此良馬

當以賢良之性待之

旦夕公歸伸拜謝

孫曰詩是以有袞衣兮無以我公歸兮公歸者謂度

將自河東歸赴朝廷也

免勞去騎逐雙旌

謝裴司空寄馬詩

張籍

綠耳新駒駿得名司空遠自寄書生乍離華殿移蹄

澀初到貧家舉眼驚

洪曰此聯劉貢父云詩人之詞微而顯亦少其比

每被

閒人來借問多尋古寺獨騎行長思歲旦沙堤上得

從鳴騶傍火城

答張籍詩

裴度

滿城馳逐皆來馬古寺閒行獨與君代步本慚非逸
足緣情何幸枉高文若逢佳麗從將換莫共駑駘角
出羣飛鞚著鞭能顧我當時王粲亦從軍

杏園送張徹侍御

集注 徹娶禮部侍郎韓雲卿之孫 汴州開封尉俞之女 杏園在長安城南曲江之西 時徹以殿中侍御史佐張洪靖于幽州長慶元年也 侍御一本作侍郎非是

東風花樹下送爾出京城久抱傷春意新添惜別情歸

來身已病

孫曰歸來謂歸自潮州

相見眼還明更遣將詩酒誰家

逐後生

孫曰更遣謂更令我將此詩酒于何處逐後生也

雨中寄張博士籍侯主簿喜

孫曰元和十五年九月公自潮州召為國子祭酒以籍為博士喜為主簿長慶元年公既有此詩而籍亦有和篇惟喜之詩不傳矣今附籍詩于後

放朝還不報夜半蹋泥歸

祝曰樂天時亦和公此詩末云仍聞放朝夜設出到街頭

街頭正謂此也

雨慣曾無節雷頻自失威見牆生菌徧

孫曰菌芝屬今

之牆壁上生者

憂麥作蛾飛歲晚偏蕭索誰當救晉饑

韓曰左氏僖十

三年晉薦饑乞糴于秦

酬韓祭酒雨中見寄

張籍

雨中愁不出陰黑盡連宵屋溼惟添漏泥深未放朝
無芻憐馬瘦少食信兒嬌聞道韓夫子還同此寂寥
兵部張侍郎酬馬尚書祇召塗中見寄開緘之

日馬已再領鄆州奉和

樊曰張侍郎賈也馬尚書摠也長慶初劉總
上幽鎮地詔總代刑部尚書馬摠為天平軍
節度使而召摠還將大用之會總卒穆宗以
鄆人附賴摠詔復還鎮遷檢校刑部尚書一
本題作和張侍郎酬馬尚書

來朝當路日承詔改轅時

並見

再領須句國

樊曰須句
鄆之東平

也左傳僖公二十一年邾人滅須句杜預注須句
在東平須昌縣西北言摠再領鄆州○句音劬 仍遷

少昊司

韓曰月令秋之三月其帝少昊蓋秋
主刑而摠加檢校刑部尚書故云

暖風抽宿

麥清雨卷歸旗

源曰歸謂歸天平也補注石林詩話云
蔡天啟言嘗與張文潛論韓柳五字警

句文潛舉退之暖風抽宿麥清雨卷歸旗子
厚壁空殘月曙門掩候蟲秋昏集中第一

賴寄新珠

玉

寄一
作有

長吟慰我思

早春與張博士籍遊楊尚書林亭寄第三

閣老兼呈白馮二閣老

韓曰時白居易以主客郎中知制誥馮宿以
比部郎中知制誥楊綰傳故事中書舍人年
久者為閣老公此詩樂天有和篇今附于後
一本題中無博士二字又無寄第三閣老兼

六
字

牆下春渠入禁溝

一作
流

渠冰初破滿渠浮鳳池近日長

先暖

韓曰荀勗自中書遷尚書令曰奪我鳳凰池孫曰近日以喻近君也

流到池時更不

流

蔡本作更見不

和韓侍郎題楊舍人林池見寄 白居易

渠水暗流春解凍風吹日炙不成凝鳳池冷暖君諳
在二月因何更有冰

奉使常山次太原呈副使吳郎中

樊曰長慶元年七月成德軍大將王廷湊殺其節度田洪正以反三年二月詔雪廷湊罪復以為節度使以公為兵部侍郎宣慰其軍途次太原作此詩常山鎮州也即成德所治

吳郎中名丹時以駕部郎中為宣慰副使唐
子西曰公孫弘以董仲舒相膠西梁冀以張
綱守廣陵李逢吉以韓愈使鎮州盧杞以顏
魯公使李希烈其用意正相類然考之史公
出使鎮在二月而逢吉三月始召為兵部尚
書六月始代裴度為相子西云爾何也抑豈
逢吉險邪遂以公此行為其所中歟君子
惡居下流天下之惡皆歸焉此之謂也

朗朗聞街鼓

朗聲

晨起似朝時翻翻走驛馬春盡是歸

期地失嘉禾處

韓曰書唐叔得禾異畝同穎獻諸天子
王命唐叔歸周公于東周公既得命禾

旅天子之命作嘉禾
太原即唐叔之國也

風存蟋蟀辭

孫曰晉國風有蟋蟀
詩刺昭公之儉唐國

後改為晉故公詩
引之辭字一作

暮齒良多感無事涕垂頤

壽陽驛題絕句

韓曰壽陽
太原屬邑

風光欲動別長安
春半邊城特地寒
不見園花兼巷柳
馬頭惟有月團團

鎮州初歸

別來楊柳街頭樹
擺撼春風祇欲飛
擺撼一作搖弄
還有小園

桃李在留花不發
待郎歸
集注唐語林云退之二侍妾
名柳枝絳桃初使王庭湊至

壽陽驛絕句云不見園花兼巷柳
蓋寄意二妹連歸柳
枝遁去故鎮州初歸詩云云也
補注邵氏聞見錄云孫

子陽為予言近時壽陽驛發地得二詩石唐人跋云退之有倩桃風柳二妓歸途聞風柳已去故云云後張籍祭退之詩云乃出二侍女非此二人耶

同張水部籍遊曲江寄白二十二舍人

樊曰張籍自國子博士遷水曹外郎白居易自主客郎為中書舍人按長安曲江在城南昇道坊以其有流水屈曲謂之曲江司馬相如賦云臨曲江之愷州即其所也劇談云池本秦時愷州唐開元中疏鑿為勝境居易和篇見此詩後世傳韓白無往來之詩非也

漠漠輕陰晚自開
青春白日映樓臺
曲江水滿花千樹
有底忙時不肯來

酬韓侍郎張博士雨後遊曲江見寄

白居易

小園新種紅櫻樹，間繞花行便當遊。
何必更隨鞍馬隊，衝泥踏雨曲江頭。

宣政衙賜百官櫻桃詩

張籍

仙果人間都未有，今朝忽見下天門。
捧盤小吏初宣敕，當殿羣臣共拜恩。
日色遙分廊下坐，露芽纔出禁中園。
每年種此偏先熟，願得千春奉至尊。

和水部張員外宣政衙賜百官櫻桃詩

洪曰一本題作和張水部敕賜櫻桃詩

漢家舊種明光殿

韓曰洛陽宮殿簿曰漢有明光殿音殿又曰顯揚殿前櫻桃六株嶷音

殿前乾元殿前並三株

炎帝還書本草經

孫曰神農本草云櫻桃味甘主調中益脾胃令

人好顏色

豈似滿朝承雨露共看傳賜出青冥香隨翠籠擎

初重到

一作色

照銀盤瀉未停

後漢明帝月夜晏羣臣以赤瑛盤賜櫻桃月下視之

盤與桃同色

食罷自知無所報空然慚汗仰皇高

早春呈水部張十八員外二首

天街小雨潤如酥
草色遙看近却無
最是今年春好處

絕勝烟柳滿皇都

烟一作花

莫道官忙身老大
即無年少逐春心
憑君先到江頭看

柳色如今深未深

今一作金

送桂州嚴大夫

孫曰長慶二年四月以嚴蕃為御史大夫充桂州觀察使公與白居易張籍皆有詩送其行

蒼蒼森八桂
茲地在湘南

樊曰山海經云桂林八樹在貴隅東注云今番禺也桂林

郡因取此以為名居易詩云桂林無瘴氣柏署有清風
籍詩云有地多生桂無時不養蠶皆謂此八字一作樹

在字一作近一本又作森
森八月桂茲樹在湘南
江作青羅帶補注東坡云退

帶子厚詩海上羣山似劍鏗子瞻為之對
曰繫滄崖無羅帶水割愁還
有劍鏗山
山如碧玉簪

祝曰簪釵簪也梁劉孝威詩金
簪臨鬢斜○簪與簪同祖舍切
戶多輸翠羽孫曰翠羽

也
家自種黃甘遠勝登仙去飛鸞不暇驂祝曰驂駕也
暇字一本作

假

奉酬天平馬十二僕射見寄

孫曰元和十四年三月以馬摠為鄆曹濮等
州觀察使十五年七月名其軍為天平軍訖

加檢校尚書左僕射一本題作奉酬天平馬十二僕射暇日言懷見寄之作

天平篇什外政事亦無雙威令加徐土儒風被魯邦

樊曰

劉夢得天平軍節度使廳壁記惟鄆在春秋為須句之國涉漢為濟東蓋禹貢兗州之域宣精在上奎為文宿畫野在下魯為儒邦而曰威令加徐土者禹貢海岱及淮惟徐州而前漢以徐隸臨淮則徐亦魯也徐土魯邦字蓋出詩常武閔宮之什云清為公論重寬得士心降歲晏偏相憶

長謠坐北窻

奉使鎮州行次承天行營奉酬裴司空相公

孫曰長慶元年七月鎮州衙將王庭湊反自稱留後八月以河東節度使裴度為幽鎮兩

道招撫使十月以度為鎮州四面行營都招
討使二年二月詔雪庭湊罪以公為宣慰使
承天行營節度屯兵處也韓曰公之宣諭鎮
州是行也衆皆危之元稹言于穆宗曰韓愈
可惜上悔馳詔令毋徑入公卒至賊營麾其
衆責之庭湊聽命出牛元翼之圖東坡為公
作潮州廟記所謂勇
奪三軍之帥者以此

竄逐三年海上歸

孫曰元和十四年謫潮州十五年
召還此云竄逐三年者久之也

逢

公復此著征衣旋吟佳句還鞭馬恨不身先去鳥飛

鎮州路上謹酬裴司空相公重見寄

注見前篇題下謹
酬一本作奉酬

銜命山東撫亂師

樊曰張籍祭公詩云再使平山東不言謀所臧再使蓋謂從伐蔡與此使

鎮州也自太行而東皆曰山東猶浙江以南皆曰江南也

日馳三百自嫌遲風霜滿

面無人識何處如今更有詩

和僕射裴相公感恩言志

孫曰度守司徒淮南節度使同中書門下平章事為李逢吉所間罷為左僕射樊曰裴詩張籍亦有和篇題曰和裴僕射移官言志詩有功成歸聖主位重委羣司之句云

文武成功後居為百辟師
林園窮勝事鐘鼓樂清時

補注

詩話云慶歷中西師未解晏元獻為樞密使會大雪置酒西園歐陽永叔賦詩云須憐鐵甲冷徹骨四十餘萬

屯邊兵晏曰昔韓愈亦能作言語赴裴度會但
云園林窮勝事鐘鼓樂清時不曾如此作關
擺落遺

高論雕鏤出小詩自然無不可范蠡爾其誰

韓曰史記范蠡事越

王句踐既與深謀滅吳報會稽之恥句踐既伯蠡稱大
將軍以為大名之下難久居為書辭句踐請從會稽之
遊乃與其徒乘舟浮海以行出齊與大夫種書言越王
為人長鷗鳥喙可與共患難不可與共樂子何不去○

其字一
本作為

和僕射裴相公迴朝見寄

韓曰二詩皆長慶二年作張籍集有酬裴僕
射朝回寄韓吏部詩其末云惟應有吏部詩
酒每相同謂此韓為吏部在二年四月度罷
相為左僕射在六月前詩引范蠡事後詩云

公今始暫閒
皆罷相時意

盡瘁年將久

補注詩或盡瘁事國

公今始暫閒事隨憂共減詩與

酒俱還放意機衡外收身矢石間秋臺風日迴正好看
前山

和李相公題蕭家林亭

樊曰李相公逢吉也蕭氏在唐最盛瑤嵩華復俊寘傲遇凡八葉宰相嵩第在城南布政坊寘第在城南永樂坊見長安志餘無所見

山公自是林園主

孫曰襄陽記山簡字季倫晉永嘉中為襄陽守峴山南習郁有佳園池簡

每臨此池輒大醉而歸名之曰高陽池時有童兒歌曰
山公何所往來至高陽池日夕倒載歸酩酊無所知

歎惜前賢造作時巖洞幽深門盡鎖不因丞相幾人

知

杜相公太清宮十六韻紀事陳誠上李相公因

和

孫曰杜相公元穎也長慶元年二月拜相李
相公逢吉長慶二年六月拜相太清宮立元
皇帝廟也天寶元年正月陳王府參軍田同
秀上言立元降于丹鳳之通衢于是置立元
廟于大寧坊三年改為太清宮每歲十月
有事以為常此詩謂長慶二年十月也

耒耜興姬國

韓曰謂后搜表民稼穡而有天下孫曰后搜以農事開國故云耒耜興姬國也姬周

姓 輶 櫟 建 夏 家

孫曰尸子曰行塗以輶行險以櫟輶亦曰轟轟者謂以板置泥上以通行路也

櫟亦曰槁槁木器也如今舉牀人輦以行也輶櫟者蓋禹治水所乘之四載也樊曰書益稷載禹曰予乘四載

孔子謂水乘舟陸乘車泥乘輶山乘櫟○輶丑倫切史記漢書並作輶音藎櫟力追切史記作橋漢書作楫音

九 足 在 功 誠 可 尚 于 道 詎 為 華 詎豈也樊曰言夏周之祖以功而興詎若唐李

氏之先出自玄元于道為華也 象 帝 威 容 大 孫曰老子吾不知其誰之子象帝之先此言象帝者

即指玄元也 仙 宗 寶 歷 賒 賒遠也 衛 門 羅 戟 槊 孫曰衛防衛羅列也槊與稍同

圖 壁 雜 龍 蛇 圖畫也 禮 樂 追 尊 盛 乾 坤 降 福 遐 四 真 皆 齒

列樊曰天寶元年親享玄元皇帝于新廟以莊子為南華真人文子為通玄真人列子為冲虛真人庚桑子

為洞虛真人是為四真也二聖亦肩差樊曰初太清宮成命工于太白山採白石為玄元真像

冕之服當康南面玄宗肅宗真容侍立左右皆朱衣朝服陽月時之首孫曰爾雅十月謂之陽十

月為冬時之首陰泉氣未牙牙萌也殿筵鋪水碧孫曰水碧玉也碧玉名庭

炬圻金葩紫極觀忘倦青詞奏不譁嘈呔宮夜闌祝曰

鐘聲相如曰聲嘈呔而似鐘。二字音鉦宏嘈噉鼓晨搥祝曰嘈噉鼓聲張

之嘈噉搥擊也後漢禰衡為漁陽搥搥。嘈才高切噉才曷切搥陟瓜切褻味陳奚取禮曰

取用常褻味而貴多品所以交于神明之義也味一作服名香薦孔嘉孔甚垂祥紛

可錄

紛多貌錄一作錄

俾壽浩無涯

孫曰詩俾爾壽而昌

貴相山瞻峻

孫曰

貴相貴近之相謂杜也詩崧高維嶽峻極于天維嶽降神生甫及申

清文玉絕瑕

孫曰瑕玉病也

代工聲問遠

孫曰書天工人其代之工官也

攝事故恭加

孫曰攝事謂有事于太清

宮社為宰相攝祀事也韓曰新舊志唐初貞觀禮冬至祀昊天上帝于南郊正月祈穀于南郊孟夏雩于南郊

明皇定開元禮天寶初遂合祭天地于南郊時神仙道家之說興乃建玄元廟二月辛卯親享玄元廟甲午親

享太廟丙申有事于南郊其後遂攝祭南郊薦獻太清宮薦享太廟

皎潔當天月歲蕤捧


日霞

孫曰天日以喻君月霞以喻社攝事在人主之側

唱妍酬匪麗

匪一作俛仰但

稱嗟



五百家注昌黎文集卷十